



REPUBLIKA E SHQIPËRISË
ENTI RREGULLATOR I ENERGJISË

BORDI

VENDIM

Nr. 10, Datë 15.01.2026

MBI

ZGJATJEN E AFATIT TË VENDIMMARRJES SË BORDIT TË ERE-S LIDHUR ME SHQYRTIMIN E KËRKESËS SË SHOQËRISË “AGE ERZEN” SH.P.K. PËR MARRJEN E AUTORIZIMIT NGA ERE PËR TRANSFERIMIN E ASETEVE TË SAJ SI MJET PËR GARANTIMIN E DETYRIMIT NDAJ TË TRETËVE

Në mbështetje të neneve 16, 20, gërma “a”, dhe 44, pika 1, të ligjit nr. 43/2015 “Për sektorin e energjisë elektrike”, të ndryshuar; nenit 67 të ligjit nr. 44/2015 “Kodi i Procedurave Administrative të Republikës së Shqipërisë”; si dhe nenit 15, të Rregullores për organizimin, funksionimin dhe procedurat e ERE-s, miratuar me vendimin e bordit të Entit Rregullator të Energjisë (ERE) nr. 96, datë 17.06.2016; Bordi i ERE-s, në mbledhjen e tij të datës 15.01.2026, mbasi shqyrtoi relacionin me nr. 12/3 prot., datë 13.01.2026, të Drejtorisë së Licencimit dhe Autorizimeve, “Mbi kërkesën e shoqërisë “AGE ERZEN” sh.p.k. për dhënien e autorizimit nga ERE për vendosjen e aseteve fikse të saj si mjet për garantimin e detyrimit ndaj të tretëve”,

Konstatoi se:

- Për qëllime të shqyrtimit të këtij Aplikimi janë ndjekur procedurat dhe është analizuar dokumentacioni si vijon:

1. Paraqitja e Kërkesës për Autorizim

- Shoqëria “AGE ERZEN” sh.p.k., është licencuar në veprimtarinë e prodhimit të energjisë elektrike me vendimin e bordit të ERE-s nr. 154, datë 31.07.2024, nga HEC “Hekali” me kapacitet prodhues 1.94 MW, në pellgun ujëmbledhës të lumit Erzen, Bashkia Tiranë.
- Me shkresën nr. 2430/2 prot., datë 22.09.2025, shoqëria ka paraqitur kërkesën për miratimin e ERE-s në lidhje me transferimin e aseteve, për të garantuar detyrimin ndaj Banka OTP Albania sh.a.

2. Fillimi i Procedurës për transferimin e aseteve

- Bordi i ERE-s me vendimin nr. 251, datë 08.10.2025, vendosi të fillojë procedurën për shqyrtimin e kërkesës së shoqërisë.
- ERE ka njoftuar dhe Ministrinë e Infrastrukturës dhe Energjisë (MIE) nëpërmjet shkresës nr. 2430/14 prot., datë 31.10.2025, në lidhje me këtë vendim.

3. Procedura vijuese dhe Vlerësimi i dokumentacionit

- Me shkresën nr. 2430/6 prot., datë 16.10.2025, ERE ka njoftuar shoqërinë për fillimin e procedurës dhe i ka bërë me dije dokumentacionin që nevojitet të plotësohet për këtë aplikim.
- Shoqëria, me shkresën e protokolluar në ERE me nr. 2430/9 prot., datë 24.10.2025, depozitoi dokumentacion/informacion shtesë, nga analizimi i të cilit u konstatua mungesa e listës së detajuar të aseteve fikse me vlerat përkatëse dhe totale të tyre.
- Bordi i ERE-s me vendimin nr. 325, datë 15.12.2025 vendosi të zgjasë deri në 30 ditë afatin e vendimarrjes në lidhje me aplikimin për transferimin e aseteve fikse të shoqërisë, në mënyrë që të saktësohej si me shoqërinë edhe me bankën disponimi i listës së aseteve.
- ERE me shkresën nr. 2430/22 prot., datë 18.12.2025 njoftoi shoqërinë dhe bankën mbi zhvillimin e një seance dëgjimore në datën 22.12.2025, për të sqaruar sa munguar në këtë aplikim. Seancë e cila nuk u zhvillua, pasi shoqëria nëpërmjet emailin të datës 22.12.2025 dhe banka me emailin e datës 30.12.2025, sqaruan se kishin marrë njoftimin/shkresën me vonesë, ndaj kërkuan që të planifikohet në vijim një datë tjetër seance.
- Me emailin e datës 05.01.2026 dhe shkresën nr. 12/1 prot., datë 06.01.2026 ERE njoftoi si shoqërinë ashtu edhe bankën, për zhvillimin e seancës dëgjimore në datë 09.01.2026, ku u bënë sqarimet përkatëse dhe nga ana e shoqërisë dhe bankës u mor angazhimi për të depozituar në ERE dokumentacionin e munguar (listën e detajuar të aseteve si pjesë integrale e kontratës/marrëveshjes sigurorese).
- Me e-mailin e datës 12.01.2026 dhe shkresën nr. 12/2 prot., datë 12.01.2026 shoqëria “AGE ERZEN” sh.p.k. ka përcjellë në ERE vetëm listën e aseteve të projektit HEC Hekal, pra jo në formën e duhur/të kërkuar.
- ERE me e-mailin e datës 13.01.2026, i ka risjellë në vëmendje shoqërisë sa sqaruar dhe lënë detyrë në seancën dëgjimore të zhvilluar në datë 09.01.2026, se lista duhet të jetë pjesë integrale e kontratës/marrëveshjes sigurorese të aseteve të nënshkruar me bankën (si Aneks i saj) dhe të depozitohet në ERE në formën ligjore të kërkuar.

4. Zgjatja e vendimarrjes së bordit

- Për të gjitha sa më sipër vlerësohet që të përcillet në ERE lista e aseteve si pjesë integrale e kontratës/marrëveshjes sigurorese, ndaj vlerësohet të zgjaset me 30 (tridhjetë) ditë afati i vendimarrjes së bordit të ERE mbi kërkesën e shoqërisë “AGE ERZEN” sh.p.k. për marrjen e autorizimit nga ERE për transferimin e aseteve fikse të saj si mjet për garantimin e shlyerjes së detyrimit ndaj “Banka OTP Albania” sh.a.
- Referuar nenit 67 të ligjit nr. 44/2015 “Kodi i Procedurave Administrative të Republikës së Shqipërisë”, bordi i ERE-s vlerësohet zgjatja me 30 ditë të vendimarrjes përfundimtare në lidhje me kërkesën e shoqërisë “AGE ERZEN” sh.p.k. për transferimin e aseteve fikse të saj nëpërmjet vendosjes së barrës sigurorese, në mënyrë që të përcillet lista e aseteve si pjesë integrale e kontratës/marrëveshjes sigurorese nënshkruar me Bankën OTP Albania sh.a. Shoqëria duhet ta depozitojë këtë dokumentacion brenda 20 ditëve.

Për gjithë sa më sipër, bordi i ERE-s,

Vendosi:

1. Të zgjasë deri në 30 (tridhjetë) ditë afatin e vendimmarrjes së bordit të ERE-s për kërkesën e shoqërisë “AGE ERZEN sh.p.k. për marrjen e autorizimit nga ERE për transferimin e aseteve fikse të saj, si mjet për garantimin e shlyerjes së detyrimit ndaj “Banka OTP Albania” sh.a.
2. Brenda 20 ditëve nga marrja dijani, shoqëria duhet të plotësojë dokumentacionin e munguar për këtë aplikim.
3. Drejtoria e Licencimit dhe Autorizimeve, të njoftojë shoqërinë “AGE ERZEN” sh.p.k. dhe Bankën OTP Albania sh.a. për vendimin e bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI
Petrit AHMETI